

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U ZENICI
Broj: 43 0 St 259593 25 St
Zenica, 18.12.2025. godine

Općinski sud u Zenici, stečajni sudija Amela Sinanović, odlučujući o prijedlogu za otvaranje stečajnog postupka nad stečajnim dužnikom Društvo za ugostiteljstvo, turizam, marketing i trgovinu „GASTRO EDY“ d.o.o. Maglaj, Moševac bb, Maglaj, koga zastupa zastupnik po zakonu Tukić Edin, direktor, dana 18.12.2025.godine, donio je sljedeće :

R J E Š E N J E

Pozivaju se povjerioci i zainteresovana lica, da u roku od 30 dana od dana objavljivanja poziva predlože, otvaranje stečajnog postupka i uplate predujam za obezbjeđenje troškova stečajnog postupka u iznosu od 5.000,00 KM na depozitni račun suda, na ime uplate predujma za obezbjeđenje troškova stečajnog postupka.

Upozoravaju se povjerioci ako u gore navedenom roku ne uplate predujam stečajni sudija će otvoriti stečajni postupak i odmah zaključiti postupak.

Ako povjerioci predlože otvaranje stečajnog postupka i uplati predujam u navedenom roku stečajni sudija će otvoriti stečajni postupak i voditi ga u skladu sa odredbama Zakona o stečaju.

O b r a z l o ž e n j e

Predlagatelj Društvo za ugostiteljstvo, turizam, marketing i trgovinu „GASTRO EDY“ d.o.o. Maglaj podnio je prijedlog za otvaranje stečajnog postupka nad društvom Društvo za ugostiteljstvo, turizam, marketing i trgovinu „GASTRO EDY“ d.o.o. Maglaj.

Rješenjem ovog suda broj 43 0 St 259593 25 St od 30.06.2025.godine, pokrenut je prethodni postupak radi utvrđivanja uslova za otvaranje stečajnog postupka, a za privremenog stečajnog upravnika imenovan je Redžić Ermin, sa liste stečajnih upravnika.

Privremeni stečajni upravnik je na ročištu izjavio da je uvidom u raspoložive finansijske izvještaje i to Bilans stanja i Bilans uspjeha na dan 31.03.2025. godine, Bilans stanja i Bilans uspjeha na dan 31.12.2024, te bruto bilanse na dan 31.12.2024. i 31.12.2023. godine, kao i ostalu dokumentaciju koja se nalazi u spisu predmeta, te na osnovu pribavljenih informacija, utvrdio da dužnik nije u stanju izmirivati svoje obaveze što znači da isti nije solventan. Bilansne pozicije aktive knjigovodstveno zaključno sa 31.03.2025. godine su novac i novčani ekvivalenti iznosi od 138,00 KM, a bilansne pozicije pasive knjigovodstveno zaključno sa 31.03.2025. godine su kapital iznos 2.000 KM, akumulirana, neraspoređena dobit iz prethodnih perioda iznos od 249.662,00 KM, akumulirani, nepokriveni gubici iz prethodnih perioda iznos od 12.787,00 KM, gubitak tekućeg perioda iznos od 766.988,00 KM, finansijske obaveze po amortizovanom trošku iznos od 627,00 KM, obaveze za porez na dobit iznos od 26.320,00 KM, ostale obaveze, uključujući i razgraničenja iznos 501.304,00 KM. Analizom bilansnih pozicija pasive utvrđeno je da je u periodu od 01.01.2025. godine do 31.03.2025. godine evidentiran gubitak tekućeg perioda u iznosu od 766.988 KM, pa je iz računovodstva pribavljena dodatna

dokumentacija iz koje proizlazi da je u tekućem periodu utvrđen manjak u blagajni koja je na dan 31.12.2024. godine iznosila 387.576 KM (evidentirano na kontu 205000), što je zajedno sa kratkoročnom pozajmicom Edina Tukića (evidentirano na kontu 238000) koja iznosi 63.209,00 KM tretirano kao lična korist direktora, te su na navedeni iznos obračunati odgovarajući doprinosi. Prema izjavi računovođe i zakonskog zastupnika Poreznoj upravi Federacije BiH nisu podneseni odgovarajući obrasci. Uvidom u analitičku karticu za konto 238000 utvrdio je da je kratkoročna pozajmica isplaćena 31.07.2016. godine u iznosu od 63.209,00 KM što odgovara stanju na kontu na dan 31.12.2024. godine. Kako ugovor o pozajmici nije dostupan, a imajući u vidu opći zastarni rok proizlazi da je potraživanje po osnovu predmetne pozajmice zastarilo. Uvidom u analitičku karticu za konto 205000 utvrdi se da je posljednja transakcija u blagajni izvršena 31.12.2022. godine te da saldo konta na navedeni datum iznosi 387.576 KM što odgovara stanju na kontu na dan 31.12.2024. godine. Na traženje privremenog stečajnog upravnika o stanju blagajne zakonski zastupnik stečajnog dužnika je dostavio pisanu izjavu sa ovjerenim potpisom kod notara dana 29.07.2025. godine iz koje proizlazi da su sredstva iz blagajne utrošena u okviru redovnog poslovanja kao i sredstva koja su bila evidentirana kao pozajmica u naprijed navedenom iznosu jer se stečajni dužnik bavio pružanjem ugostiteljskih usluga, te je tokom poslovanja vršena redovna nabavka poljoprivrednih proizvoda, mesa, povrća i druge potrebne robe i materijala za pružanje usluga, te da se stanje blagajne akumuliralo tokom dužeg perioda poslovanja. Privremeni stečajni upravnik je procijenio da poslovanje dužnika nije moguće nastaviti u cjelini niti pojedinim dijelovima, s obzirom na to da su računi dužnika blokirani već dugi niz godina te da stečajni dužnik nema imovine, a shodno svemu iznesenom daje mišljenje da kod dužnika postoje razlozi za otvaranje stečajnog postupka iz čl. 6. Zakona o stečaju FBiH - platežna nesposobnost dužnika, jer je račun dužnika blokirao 60 dana neprekidno, odnosno jer dužnik 60 dana neprekidno ne izmiruje svoje dospjele novčane obaveze, da dužnik, odnosno organ ovlašten za zastupanje dužnika nije podnio prijedlog za otvaranje stečajnog postupka u roku od 60 dana od dana nastupanja platežne nesposobnosti, da dužnik ne posjeduje imovinu koja može pokriti troškove stečajnog postupka, zbog čega je predložio da sud pozove povjerioce da predujme novčani iznos od 5.000,00 KM na ime troškova vođenja stečajnog postupka, te da ukoliko ne predujme u skladu sa Zakonom o stečaju sud donese Rješenje o otvaranju i zatvaranju stečajnog postupka.

Očitujući se na primjedbe predlagatelja, privremeni stečajni upravnik je iste ocijenio neosnovanim u pogledu blagovremenosti podnošenja prijedloga za otvaranje stečajnog postupka budući da je prijedlog podnesen dana 21.04.2025.godine, a da je tekući račun dužnika blokirao dana 14.06.2017.godine, a posljednja transakcija u blagajni izvršena dana 31.12.2022.godine, te je istakao da obaveze stečajnog dužnika ukupno iznose 766.988,00 KM, od čega prema Porezna uprava FBiH iznos od 26.320,00 KM, obaveze po osnovu ispravke knjiženja iznos od 350.000,00 KM, pozajmice od fizičkih lica iznos od 63.000,00 KM i ostale obaveze u iznosu od 766.988,00 KM.

Iz izvještaja privremenog stečajnog upravnika nedvojbenim proističe da društvo nema imovinu, pa ni za pokriće troškova stečajnog postupka.

Kako stečajni dužnik ima obaveze, a nema imovine, pa ni za troškove stečajnog postupka, to je sud primjenom odredbe čl. 102. stav 7.8. i 9. Zakona o stečaju („Sl. Novine F BiH“ broj: 53/2021), pozvao vjerovnike i zainteresirane osobe da predujme dovoljan novčani iznos za pokrivanje troškova stečajnog postupka (otvaranje i provođenje stečajnog postupka), ako su zainteresirani za vođenje stečajnog postupka, kod situacije kada nema imovine stečajnog dužnika iz koje bi se mogle namiriti obaveze, pa ni sami troškovi otvaranja i vođenja stečajnog postupka. Visina troškova srazmjerno je određena visini troškova koji se očekuju, a koji su neophodno potrebni za otvaranje i vođenje stečajnog postupka.

Obzirom na izloženo odlučeno je kao u izreci ovog rješenja primjenom odredbe čl. 102. stav 7.8. i 9. Zakona o stečaju. Ovim rješenjem povjerioci i zainteresovane osobe su upozoreni na posljedice propuštanja postupanja po pozivu ovog suda.

PRAVNA POUKA:

sudija :

Protiv ovog rješenja nije
dozvoljena žalba.

Stečajni

Amela Sinanović, s.r.